



ASUNTO: ACLARACIÓN ANTICIPO EXTRA DE XUÑO

Con motivo do pagamento das retribucións correspondentes ó mes de xuño estanse transmitindo por parte dalgúns perceptores certas dúbidas relacionadas co cálculo das retencións practicadas. En concreto as dúbidas xorden naqueles perceptores que se acolleron á posibilidade de cobrar nos meses de xaneiro e febreiro a metade da paga extra.

Para aportar a maior claridade ó procedemento seguido nos cálculos das retribucións e retencións practicadas, expónse a continuación os pasos seguidos.

- 1) Nos meses de xaneiro (ou febreiro) procedeuse a aboar aos traballadores que o solicitaron un anticipo por un importe bruto da metade da súa paga extra.

A este anticipo se lle aplicou a retención de IRPF correspondente (e, de ser o caso, os descontos de Dereitos Pasivos, MUFACE ou MUGEJU).

O resultado foi o aboamento dun importe líquido que é a diferenza entre o importe bruto (metade da paga extra) e a retención (aplicación da porcentaxe de retención ó importe bruto da metade da paga extra).

- 2) No mes de xuño abóase a parte pendente da paga extra. Para o cálculo do importe a aboar realízanse as seguintes operacións:

- a. Determinación da retención total que correspondería aplicar no caso de pagar toda a paga extra en xuño.

Este paso é necesario, xa que é posible que, entre xaneiro e xuño, concorreran no perceptor circunstancias que provocaran unha modificación do tipo (porcentaxe) de retención aplicable.

Con este cálculo obtense a cifra total do importe bruto e da retención que correspondería de realizarse ó pagamento completo da paga extra.

- b. Dedución dos importes aboados e retidos como anticipo nos meses de xaneiro e febreiro.

Dos importes totais procédese a deducir o importe bruto pagado en xaneiro (ou febreiro) e o importe da retención practicada en xaneiro (ou febreiro).

É dicir, o importe da retribución correspondente ó mes de xuño (incluída a paga extra completa) se lle deduce o importe íntegro aboado en xaneiro e se lle engade o importe da retención deducida en xaneiro (ou, o que é o mesmo, se lle deduce o importe neto aboado en xaneiro).

- 3) Como resultado destas operacións o importe recibido polo perceptor entre os meses de xaneiro (ou febreiro) e xuño é o mesmo que se tería recibido de percibir a paga extra nun único pagamento en xuño; e o importe retido entre os meses de xaneiro (ou febreiro) e xuño é o mesmo que se tería retido de percibir a paga extra nun único pagamento en xuño.

Para tratar de dar mais claridade, xúntase un exemplo práctico do procedemento descrito:



Exemplo aclaratorio:

Datos de partida:

Para o exemplo vaise considerar un traballador que percibe a seguinte retribución:

- *Importe bruto da paga extra: 2.000 euros*
- *Tipo de retención de I.R.P.F: 10%*

a) Opción 1: Traballador que cobra a extra completa en xuño

- *Importe Bruto de 2.000€*
- *Retención IRPF (10%): 200€*
- *Importe líquido percibido: 1.800€ (2.000-200)*

b) Opción 2: Traballador que solicitou anticipo en xaneiro

1. Nómina de xaneiro:

- *Importe bruto: a metade do importe bruto da paga extra completa. É dicir: 1.000€ (2.000/2)*
- *Retención IRPF: 10% do importe bruto percibido. É dicir: 10% de 1.000€. Isto é igual a 100 €.*
- *Importe líquido percibido en xaneiro: 900 € (1.000 € bruto-100€ de retención)*

2. Nómina de xuño:

2.1 Cálculo do importe total que correspondería de pagar toda a paga extra en xuño:

- *Importe Bruto de 2.000€*
- *Retención IRPF (10%): 200€*
- *Importe líquido que correspondería percibir: 1.800€ (2.000-200)*

2.2 Dedución dos importes aboados e retidos no mes de xaneiro (ou febreiro)

- *Importe bruto deducido (resta da retribución a percibir): 1.000 €*
- *Importe da retención (resta da retención practicada, e polo tanto suma á retribución a percibir en xuño): 100€*
- *Resultado da minoración da retribución a realizar en xuño: -900€ (-1.000+100)*

2.3 Resultado dos importes a aboar en xuño

- *O importe líquido a aboar en xuño é o importe líquido que correspondería percibir en xuño menos o importe líquido efectivamente percibido en xaneiro (ou febreiro), é dicir: 900€ (1.800 - 900).*



2.4 Resultado da suma dos importes percibidos e retidos entre xaneiro (ou febreiro) e xuño

- *Importe bruto percibido: 1.000 (xaneiro) + 1.000 (xuño) = 2.000 €*
- *Retención total practicada: 100 (xaneiro) + 100 (xuño) = 200 €*
- *O importe líquido total percibido é: 900 (xaneiro) + 900 (xuño) = 1.800*

Conclusión:

Como se ve nos resultados do exemplo, o importe total das cantidades brutas percibidas, das retencións practicadas e das cantidades netas percibidas entre os meses de xaneiro (ou febreiro) e xuño polos perceptores da opción 2 é exactamente igual ó percibido en xuño polos perceptores da opción 1.